

平谷縣志信

平谷縣誌卷之

藝文志

文類

傳曰太上立德其次立功其次立言此之謂三不朽然言莫深於文而平谷雖蕞爾小邑凡有建立亦皆有文以紀其實今備載諸志庶觀風者得有所考焉故志文

元

明倫堂記

納憐不花撰

陽逸士

平谷縣志

下卷

一

元列聖相承立天下之要道咸百務俱興更加意者詔令國都州縣設立學校張置師牧以行政教開平萬世何其規模隆古軼越漢唐矣蓋以聖由天縱道自人弘盛衰觀于風化忠孝本于人倫然後綱常正義理明而民生遂亘古今而不易考之于經班班可見已惟時守令師儒有賢有愚有志存乎立功事專乎報本祇順德意惓惓于聖門者亦有志溺乎利祿事徇乎苟且徒拘文具切切于肥家者由其闇于君親大義懵于聖賢至教其于志道恢弘之士霄壤不

侔矣况乎仕路繁夥存道心者希或有德好君子功
垂名教若亂山求玉乃千百之一二焉耳詳憫吾友
李敬李明等重諗曰平谷乃薊郡之屬邑京師之僻
徑亦當有要路居是任間報功于素王者如己巳年
監察御史鄭立建加號碑設學田增輝聖日播種文
風自丙子歲主簿范恕教諭張貴協謀合議以謂斯
邑有廟像而無講舍基址狹隘如羽不翼于是出給
俸資鳩集衆縉買地構材鼎新明倫堂泊學官居舍
朝夕有三德六行之修歲時無一風半雨之憾至戊

寅間有胡從先來諭是縣仰瞻廟像祭器慊然俯親
講席書籍蔑如于是命匠鎔鑄罇鼎營飭籩豆九經
史籍煥然一新上供春秋釋奠下給師生講習焉此
數君子創作于前可謂能矣迨甲申際劉元皓師職
三年建學門屏以為斯文之壯觀增廣田畝以備供
需立故金國張侯建廟記以表首創之原繼述于後
可謂勤矣自是而後肅恭寅畏神人協和師生有舍
庖廩有給百爾器具資之左右愚故曰有志存乎立
功事專乎報本今得其人耶經曰故事半古之人功

必倍之惟此時為然蓋將有興于斯故仰聞是言而不惑于中悲夫愚故曰亦有志溺乎利祿事狗乎苟且未暇論其人耶驗吾友之言為信嗚呼吾夫子之道如太和元氣流行于天地間陶鎔品彙綱紀群生儀範百王師表萬世其盛德大業至矣哉凡有天下國家者可不知所本乎吁微元皓不能明數君子之功微數君子不能伸元皓之志可謂克盡其行所當為矣予故欣然筆之以紀堅珉匪特叙二三子之功抑亦可為來今之勸時至正七年丁亥三月丁巳也

平谷縣志

下卷

三

明

新城記

淳安商輅

兵部尚書

平谷縣在薊州治西北八十里本古之漁陽地今為順天府屬邑西連密雲古北口東接山海道經遼東北臨極邊諸大山永樂初置營州中屯衛以鎮之今黃松峪等四關熊兒峪等四營官軍守備者常數千人是蓋重鎮也縣故有土城歲久傾圮有右僉都御史聞本以巡撫之任來觀風於茲邑攬轡而嘆曰城郭所以衛民况平谷密邇京師為

東北屏蔽兵民于是乎聚儲峙于是乎積非有高
城深池將何所恃以為重乎于是謀諸總兵官東
寧伯焦壽左叅將都指揮劉輔皆曰都憲言是也
夫不聞古人有云深溝高壘以壯雄勝以嚴禦防
茲雖彈丸小邑忍令城傾乎閔本奏疏于朝批准
委營州右屯衛指揮同知袁忠等督軍夫若干增
築之城高二丈五尺址廣三丈五尺頂殺址三之
二周圍六百丈為城門四門有甕城甕城又各置門城
之外為塹濶三丈五尺深半之沿塹植榆柳幾萬

株經始于成化丁亥訖工于明年二月功之成視
舊加四之三于是居室晏然雖外戶可以無閉防
禦之計遠矣僉謂是城也邑小而役鉅不可無文
以示來者而縣丞宣謙遂述增築始末來徵予記
予惟重門擊柝以待暴客易之有取于豫者素定
意也天下事未有不成于素定而况保障為為政
之首可使之因循廢弛于宴安無事之時乎惟茲
城郭既新人心始安可以奠民居可以廣儲積可
以繕甲兵養威蓄銳復何不虞之足慮哉書曰惟

事事乃其有備有備無患此之謂也若都憲公可謂防患于未然者矣乃着力出于閑暇之時而費出于規畫之餘于衆無擾于事有功此善之善者也後之人能嗣而葺之其利閔且遠哉因為之記

科貢題名記

吉豐陳烜

本學訓導

取士之法其來尚矣成周有鄉舉里選漢則有賢良茂材明經唐則有進士秀才明則酌古準今而立制于子午卯酉年鄉試于辰戌丑未年會試復有明經歲貢焉而以此制為取士之法亦一朝之

良規也所以立名謂之科貢夫科貢之設名殊而實一者也游庠序之士以五經四書而端其本領以策論詔誥而廣其經濟科之所錄者此也貢之所升者亦此也初何嘗以古之殊而異今日之所習亦未嘗以途之異而岐他日之所施故漢之董仲舒公孫弘以賢良舉者唐之陸贄韓愈以進士舉者而董仲舒天人三策與陸宣公之奏議百篇同一機公孫弘之表章六經與韓退之之左右六經同一道豈山若樵之河若漁之名殊而實異哉

且題名有碑所以紀名氏謹歲月示榮觀垂永久也與是列者名固榮矣然名者實之賔實者名之主使名著而實不副則亦何足以為榮哉孟子曰誦其詩讀其書不知其人可乎是以論其世也觀人者其取以為法焉士登名于茲者必進而友天下之士又進而上春官對大廷將嘉謨嘉猷素所抱者展盡其底蘊以幼之所學而壯行之在廊廟則寅亮天工在臺諫則責難陳善在岳牧則承流宣化樹功業于當時垂勲名于後世俾人之觀斯

名也稱其人論其世也美其功如漢唐諸君子之照耀簡冊膾炙人口則實有可稱而名之榮也非溢美矣又何擇于科貢哉先儒有曰所入之途雖異所至之域則同信斯言也于是乎記

東嶽行祠記

邑人金純

山西 □ □ □

平谷縣治西一里有東嶽行祠祠石鼎所載重修于勝國至元三年不知創自何許時廟貌業已巍峩至明混一中原重天地百神之祀凡前代所建廟宇祠觀有益于民者聽民崇祀故邑

歲時水旱癘疫咸祈禱之神亦肆其威靈屢祈屢應每春夏之會俗傳為天齊聖誕四鄉之人爭持牲醴享賽于庭復為迎神之舉歷世相沿率為故事永樂初流寇作亂祠燬于兵存者無幾正統甲子河東張君鐸來丞于茲首倡士民復興舊址門堂殿廡百爾粗作迨成化甲午營州中屯衛舍人景鐸乃謀于衆曰嶽祠為吾邑具瞻錫祐深渥張丞雖已置復而狹隘苟完不足以棲神衆吾徒安居暇食惟神之庇盍謀所以新大之可乎于是遐

邇翕助得金若干萬緡召匠命工扛材輿石雖三尺童子願輸其勞鳩僦至落成九十閱月增中之殿為三間以居天齊殿之左翼一間以居炳靈右翼一間以居府君東之堂三間則為三義廟西之堂三間則為聖母殿虛鍾鳴鼓有樓有枹繚以垣墻蔽以三門翬飛跂翼丹碧交輝工雖十倍于前啓之者實二尹之功承之者則舍人之力也祠成景君出資具石將誌其顛末以傳未幾厭世事竟寢息垂三十年景之孫有名源者撫其故石惻然

以痛曰吾祖之虔奉于神久矣今祠成而厥功弗紀數傳之後不幾于泯泯矣乎即出已金募人緣命工礪石以畢先志徵予為記予惟五嶽在天地間依形而立乘氣而行嶽為衆山之宗岱又諸嶽之宗也考之祀典天子祭天下名山諸侯祭境內山川東嶽太山之有祠宜矣而古今祠祭禮各不同嶽者地祇也祭之以壇壝而不屋其牲幣祝號則視三公舜之望于山川是已後世此義不傳自拓跋始總立一廟于桑乾水之陰逮唐復各立一

廟于五嶽之麓以及趙宋之衰而東嶽行祠徧天下矣既廟之又王之既王之又像之地祇而肖像半若人其後世之文乎世代因循遂而莫之晚非古也三字故空

或改明初考古創今一洗前朝之陋而加以泰山之封其示萬世法程至明也凡所在城邑猶徃徃祠之者何歟按公羊傳云泰山之雲膚寸雨合不崇朝而徧天下其潤物之功如此則天下所以尊崇而報祀之者非過也宜也况祭法有曰能禦大灾則祀之能捍大患則祀之今百靈森布轉異為

祥寧不重可祀耶是祠成下以禳灾消變為民禱
福上以祈天永命為國祝釐凡所以庇國而佑民
者此固張丞之志景舍之心也若源者又可謂聿
修厥德肯構肯堂者矣是不可以嘉尚之哉庸書
此以誌其梗槩

重修慈福寺記

邑人金純

御馬監太監劉公僧嘗有言曰人之崇奉黃冠紫
沙欲登善果奚若創建林刹傳之于億萬斯年也
因在中貴間特深眷注公每退食輒私念曰某本

山林樛賤遭際盛時時荷恩寵坐享天精然其時
晨夜以興無由展報意平谷為京畿屬邑而山東
即其近郊宅幽勢阻地勝泉甘擬造寺一區以為
祝延之所犬馬之心庶幾少盡籌諮既久于是出
金若干萬緡掄材輿石鳩匠聚工相隰度原取其
地之面陽者構如來大殿列左右為迦藍祖師大
殿之南為天王又其南為山門周以垣墉樹以嘉
木由側門直北則為方丈為僧房為溜浴庖厨之
舍為楹凡六十有奇經始于正統甲子之春以是

年秋仲考成為日九百八十基臺崇拓棟宇翬宏
丹碧文珉各呈工巧未幾繪圖以進公遂奏請于
朝賜名慈福取其慈悲為本寓萬福遙錫之意也
及至命下之日緇流耆艾咸豫悅奔走樂來贊相
若公者真可謂問水知源克酬心願者矣始公披
地按圖意尤未嫌將欲更營法藏護國轉輪諸殿
愈拓大其廟宇焉以供遠近觀瞻時值國步多艱
迨己巳致身王事齋志竟終據今甲子再週閱年
寢久寺漸就荒營州中屯衛官舍景祺居士楊友

想其風致憫夫初志之純誠也乃即其所營之緒
繕修粧飭以識不忘且礪石以載其顛末徵予為
記予惟忠義之在人心不異時而有先後之殊不
同時而有彼此之異劉公所舉本以上報國恩特
假蓮界以為之地延今五紀寺幾中絕復得祺友
二君以興予意二君亦非作念天堂力超諸苦果
若浮屠說也只以忠義之心激之有不得不然耳
嗚呼事有曠百世而相感者豈獨人心矣夫若謂
流寇跳梁公能奮不顧身卒以保完名節其英風

勁氣凜然與東盤大嶺爭高又其事之可書者也
因為之記

龍泉寺記

邑人金純

盤龍為東畿大山蜿蜒以西又十里為暗峪峯巒
峭刻氣勢連霄為平谷治東之界峪間夾兩涯有
泉如練自東北折每春夏雲英英騰上頃刻覆山
谷其色正白若大海茫無際涯人因目曰龍泉泉
之北嶮崖壁立空翠撲人左右諸峯皆相顧拱揖
黃精赤茯苓雜植其間境異山幽雖當烈火流金使

人脩脩有挾纒意元至正僧人順公結庵于處庵
以泉名以誌山川之勝元社不屋基址就荒泊明
百有餘年日漸榛莽成化己丑營州中屯衛千戶
景楨堂叔景鐸因別墅去庵不遠每肩輿而至輒
臨流坐石景與心忘既乃歎曰地勝之興將有俟
于人乎乃出金市地偕僧可懿協力興復時諸色
草創香火僅存迨四門塔僧悟興號太雲者極力
苦心偏求檀越得金若干萬緡米若干百石始庀
工敦匠建如來大殿于中左為迦藍右為祖師又

其東為居僧之所簾鍾杓鼓以樓以亭涵浴堂厨各有次舍雄深瑰麗金碧交輝偉然大叢林直與盤龍諸刹相高非昔之庵院比也興之徒曰本寬本源源之徒曰真讓又能承師之志作大士殿于主山之眉建浮屠于案山之表當四時雲物變幻而樓塔出沒于煙霏空翠間潭影光天徘徊上下山川之麗一旦改觀遠近來遊靡不喑喑稱賞寺成于正德庚午遡其經始幾四十餘年行之者非一僧成之者非一日可謂大且艱矣據今鐸與群

師俱先後淪歿鐸之子曰祚讓之徒曰常善恐其功遂泯泯無聞徵予為記予惟山川之勝必得其人而後可鳴當龍泉兵燹之餘巒光水色頗失故態栖栖于林薄榛莽間殆與九流衆垓等耳今緇流一鼓而幻成寶坊暮鼓晨鍾酬恩駐貴則山川秀麗與有光輝孰其使之然耶昔五峯非自鳴也以普庵鳴湘山非自鳴也以無量名他日龍泉為東盤第一山者又安知其不以悟興鳴耶因為之

重修東嶽行祠記

邑人金濂

山東運使

粵明朝正大統之三年詔嶽鎮海瀆封號如古制以山水稱凡近世所褒嘉者一切罷去所以揆前聖大中之道而隆一代更新之制使習俗所尚仰尊崇之盛典也平谷縣舊有東嶽行祠在縣治西幾一里不知創于何時俗傳為遼金有國即有此祠理或然也至明以來因歲深年沿好善施與者漸加修葺已備于方伯先君所撰之碑據張丞重建以迄于今垂六十稔閱年既久土木就隳正德

改元歲太原高君來知縣事越明年夏禱雨于中牲醴既陳俄頃之間甘霖如澍高已駭其為靈一旦政務之暇諗于衆曰泰山為諸嶽之宗百神之長仁符震動德體離為顧廟貌弗修豈吾人所以瞻奉者乎盍共圖之以資冥惠衆曰唯唯即出貲市木諏日聚工植仆扶傾易堅去腐工勤材善百廢俱新正殿而外復增以一楹以為軒宇甃砌茨舉以法文金秀碧彩繪欄然不侈于前不浮于後是役也其費匪值千緡公不知勞私不知困經

始于是年七月落成于次年三月盖始終興率者高尹之勤其合作助成則衆民之力也嗚呼神之動人有如是哉且高之為縣不立異近名一以誠心感激如修學校新壇壝建橋梁三載之間翕然向緒而此則君之一善耳祠成屬予以記予惟天下之事是非邪正皆可暫欺惟人心不容厚誣今高君一以義舉而民即義從以心感心盖有不期然而然者矣又况引之以民生日用之爨諷之以忠君孝親之大而民有不丕應徯志者乎書曰罔

迪不適周公曰平易近民民必歸之此之謂也祠既新祝釐有日為居民者歆神之福又當思作起者之功則祠之方興固未艾也高君名賢世為山西臨縣人其功德主則義官張宣耆老巨紳其最者也因為之記

重修本縣儒學記

台峯熊相

兵備副使

平谷縣之儒學在縣之離位勝代以前為老子宮今之門尚因之淺狹卑陋加之垣墉棟宇率多傾廢見者病焉嘉靖壬午監察御史熊公榮以清戎

視學嘆曰有司之不職一至于此何足以稱培養人文育才興化之意偶過邑人按察副使王公鏗及之鏗曰鏗為諸生時固嘗買地拓之矣矧有觀風之責者乎公乃命官度之記費凡若干倡以贖金聞者響應巡撫都御史孟公春巡按御史盧公瓊總兵都督馬公永參將呂君昌咸有攸助以相之不穀亦與焉既而兩載弗績公自往督之先修聖殿次展賢廡次建戟門次易櫺星次立禮門次闢義路次拓明倫堂

次實地之偏陷者繚之以周垣表之以棹楔復以餘材建號十五間以便講習省課有方成之不日輪奐奪目士林爭氣于是教官率生徒詣相述知縣王謙之言曰學雖隸縣而博士弟子軍衛居半焉彼此坐視忽成淪廢不圖今日有勞諸公敢乞一言以釋其愧且以詔後人于無窮予曰崇儒重道

盛典祇奉于有司者已不多見况憲臺乎哉宜諸君子于此有不能自己者夫天下之藝有文有武而

學必曰儒者何耶蓋以文而非儒則為俗吏武而非儒則為傖夫俗吏傖夫可以興治戡亂之事望之乎哉故人無擇于軍民必以儒學為先官無分于彼此必以興學為重如此而人文蔚茂凡國家之長治久安比隆三代者未有不本諸此謙輩曾知之悉乎且儒者之道不越乎彝倫日用之間推而極之無所不有若上而為教下而為學亦道之所當然也公之是舉誠無所負矣至于徒擁臯比不能明是道以覺後人徒衣章甫不能體是道以光國家而徒獲一科第則施施然足矣是果誰之責哉其愧又有甚于有司者尚相與勉之公字以仁號磨溪汝寧光山人起家進士嘗以直言謫官今清戎圻內風力尤擅一時而政之可以皆視之茲學云

重修城池記

邑人王鏜

河南副使

平谷縣治舊無城永樂二年營州中屯衛自塞北徙之腹內安置平谷縣中城始建焉是時草創土築未遑以磚石包砌歲久城崩圯便道者越堞而

行若履通衢然成化丁亥大中丞閔公本撫臨茲
邑仰而嘆曰所賴以保障吾民者城焉耳崩圯如
此將何所恃哉爰是命官計財包砌磚石四壁如
削壁各設門以便防守且以漸次置修樓舖以為
瞭望計方經畫之際而轉官之命下矣功不竟就
迄今六十餘年嘉靖壬午歲郊圻盜發掩其不備
長驅入市剽掠任情居人內外恐怖未安巡撫孟
公春兵備熊公相憂之于是協謀設策勦平厥寇
地方僅得無恐迺命掌篆指揮季君勲經畧保障

董公修築缺者補之廢者葺之建樓于諸門之上
重簷華棟規制聿新東曰接盤南曰觀瀾西曰迎
恩北曰鎮遠腰舖隅樓次第結構九觀之者咸以
為奇峻之功也鎮撫王傑來請于予曰董大事者
未始不勞費也季君承委克殫厥心材物廢諸浮
屠工力用之閑暇帑藏不減軍務不妨人不告勞
功倏就緒其事偉矣敢乞其文以紀顛末予嘉其
績遂書此以應之夫土木之功難成而易敗也廉
靜者遠嫌棘歆者斂怨貪求者上疑昏柔者下慢

遠嫌則為己也歛怨則失人也上疑則起咎也下慢則弛事也是皆承委者之通弊也季君承委剗此四弊掩百年因循之咎成一時保障之功其賢能過人遠矣監司憲臣後先獎勞是亦嘉其能為者歟雖然城池高深固足保障矣借使撫馭乖方人心怨惡雖有粟穀兵甲誰與為守哉是知守國之道人和為先地利次之故孟子曰地利不如人和吳起曰在德不在險凡有國家之責者庸可不知輕重緩急也哉季君有功德善撫馭政事固無

容喙矣第恐將來繼之者不知設險守國之義予因丁寧以告云是為記

岳候遺愛碑記

邑人金濂

嘉靖庚子春清湘蔣公以方伯入為京兆適審編徭役之期先時各該州縣地畝人丁儘派本州縣原額之差足穀為止行之既久法玩弊生殷庶之地反獲其輕窮約之鄉或攫其重官盲吏瞽莫究所由公庶得其情乃藉一府四州二十三縣地之廣狹丁之多寡田之豐瘠與夫歲徵之緩急輕重

通融而均一之務使合併為公民無偏累章上命
司徒議覆以行時撫按重臣俱仰承德意即以此
飭戒所司協京兆委官竭力秉公求無負於為國
軫念斯民之舉檄至而平谷岳候適當選任乃捧
檄加額曰吾志也吾民其尚寧幹止已乎遂撫不
便于民者數事乞援當道以蘇困民一查舊管以
豁開除本縣原額地一千七十八頃五十一畝節
因里墮民消拋荒近半宣德年間撥去興營二衛
屯種開除地三百二十九頃三十一畝就彼納糧

冊籍可查本縣見在地七百四十九頃寄養官馬
七百四十九匹時而供應支費時而撥換往來俱
科道照畝審編別無餘空後因巡撫都御史洪
地銀不辨舊管開除照額仍派銀一千七十八兩
五錢一分以致終歲包賍膏脂匱竭一審權宜以
祛民患永樂年間太監三寶差徃西洋偶因舡隻
數多暫于附近地方借倩人夫拽送比時順義平
谷二縣各出夫六十名實一時權宜之計順義先
已除革惟本縣至今歲出銀一百兩號為通州協

濟天錢事出無名誠為冒濫一遵成憲以息新科
本縣原額漁戶一十三名每年該納課鈔一百一
十七貫遇閏加鈔六貫七百五十文正德年間忽
遇

前去寶坻等處採打銀魚無故勾拏漁戶陡添椿
木胡蘆羊皮等料銀二十餘兩遂為常規一或稽
遲官吏輒加凌轢近年以來又坐武清瀋縣水占
地畝原編楊村遞運所水夫銀一十三兩宛大二
縣車輛銀二十四兩委的地窄民貧不堪賤負若

不預為申請誠恐通融之後控訴無門于是當道
悉侯之賢憐民之瘼覈審至三乃于不平之間均
攤公抑帖下計派應存力差三十五頃共銀七百
六十兩八錢應存銀差三十七頃共銀七百五兩
二錢二忽五毫應減銀力二差銀共八百六十一
兩一分五厘自後審編永為定式侯之心始慰而
民之怨始消是雖出于為君上者軫念時艱陰以
溥天地生育之恩以立斯民之命其 補

奉行實一二 工

侯亦可驗其心在乎民卒能脫民于積年偏累之中而並置之玉燭春臺之內即傳所謂民之所好之民之所惡惡之此之謂民之父母是已後之續良吏者當與魯卓先後相高又不但虎北渡河蝗不入境銷患于一時而已也耆老因不敢譖侯之功囑予為記勒之堅石永矢不忘予曰侯之遺愛非止一端而民咸不識不知此特鳴其顯著者耳侯名朝用別號嶧山山東鄒縣人前以薊州節判擢為今職云

重修城隍廟記

邑人金濂

昔先王建邦設都自京師達之郡邑雖遐陬僻壤莫不創城隍廟以闡幽靈故任是邦者上任必請于斯朔望必禮于斯春秋祭享必告于斯水旱疾疫必禱于斯官秉其忱神應如響自古以來人心宗向罔敢弗欽廟舊在縣治北至明初拓地面陽構正殿三楹以安神主繚以垣墻門以三座擇道祝以司香燭迨成化己丑歲久漸頽鄉耆王真等合衆繕修舊規咸葺嘉靖辛丑元夕張燈忽遭回

祿之變邑大夫嶧山岳朝用倉卒失措援救莫能
達旦咨嗟乃召城之父老素稱公正者二三人諭
以助工恢復以妥神棲于是營州中屯衛舍人王
沐鄉耆周正等共矢發心願襄盛舉除侯捐俸及
設法處分以供先事外各耆樂出己貲及四鄉著
姓不募而來施者雲集霧滃得鈔若干萬緡遂易
材于市礮石于山鳩匠聚夫先營大殿三間爰及
外門高廣各增前之三尺上瓦下甃朽鏝四周殿
中塑聖像一龕旁分侍後文璫香木金壁交輝可

仰可瞻改觀疇昔經始于是年三月落成于次年
八月向非侯之政平民信一鼓而蕭然瓦礫幻成
錦坊曷克以臻是哉是亦可以觀政體矣工完沐
等勒石以傳乞予為記予惟天下有不窮之變而
吾心有不易之理誠得其理則變之不窮者皆理
之不易也理之所在不外乎人以不易之理而禦
不窮之變焉則規締宏深咨詢周密孰有出于範
圍之外矣乎廟貌之新固其所也雖然崇墉重隍
所以為民也高堂遠簾所以辨等也一舉而兼盡

矣于是乎記

重修縣後堂記

邑人金濂

平谷縣去都城百四十里祖艮山來龍以開疆土
當有虞揖位以冀青地廣始分冀東等處為幽州
即古漁陽上谷之地僻處邊陲其俗醇以樸自有
明以來定鼎燕京遂進為畿輔上游之地材官甲
士駕土他方一時人文蔚起雅擅制科之盛明初
嘗以規式詔于土中大小公居周爰執事靡不畢
備分署以聽各司其所遵行百餘年堂庶弗易而

平谷縣志

下卷

二十三

民志定焉詩云風雨攸除鳥鼠攸去君子攸芋又
云于時處處于時廬旅于時言言于時語語此之
謂也頃者流寇跳梁閭閻弗靖爰于朝署之中委
一二重臣便宜勦絕雖屢獲奇功而除惡務本猶
未盡寧嘉靖乙卯春馮公來尹是邑立心高古值
時勢方殷達觀治所嘆曰高城濬隍練兵防守此
其時也將孰貽之遂日夜繕修城郭操演民兵三
月之間人心感激又以官居弗盛無以壯我軍威
于是首新憲府以為觀瞻繼理縣司以安群眾縣

中為正堂右為幕廳並南向東西別房科各四楹
前為戒石亭又前為儀門者三門外東為土地祠
及預備倉西為罪人獄又合為大門者三門外列
榜房東西各一間此皆前官已修而尚新者也正
堂之後為後堂後堂之東為書房三間以為齋宿
之所正宅原在東偏宅舍俱新今始移入後堂之
後以為知縣住宅縣倉之後二門之內照前原立
公廨六間為縣丞住宅幕廳西公廨六間為典史
住宅六房吏舍各樹于東

鑾駕有亭縣庫有樓悉安善地縣治之界周築夾墻以
便巡更之路大抵皆仍其舊磚瓦木石多需素積
分毫不取于民經始于是年八月落成于次年五
月羨輪羨奐規制一新僉以為當誌于石以示將
來因囑予言予惟周公之治東郊師保萬民民懷
其德武公之治衛源盛德至善民不能忘此天理
之常存而人心之不泯也今侯蒞任暮年而竭忠
報國公爾忘私則將來之豐功偉績足以繪凌煙
而紀太常者不有光于二公之後也哉後之視今

猶今之視昔有必然也若縣僚二尹林公萃縣幕
胡公鳳亦皆贊襄于朝夕于法皆得書侯名思忠
山東高苑縣人孝川其別號云

重修平谷縣學記

上海秦嘉楫

巡按御史

考圖籍平谷嘗縣于漢鎮于唐復縣于金元明則
因之古稱慷慨悲歌之區信矣元至元乃立縣學
董之師儒次行教化凡以為國家之根本計也然
止粗立根基其于學校仁讓之風猶未浹洽而遍
滿也自有明之初臨御天下不數十年間漸磨德

義鮮不丕變爰于十五國之中相其山川地理之
勝見函薊王氣氤氳形勢雄偉允哉天府之國遂
相與重臣定鼎而遷都焉故平谷遂為畿服內地
其學宮之設較之他郡被化尤先所以比年以來
士子篤志下帷相與服從學官之教不猶江河之
就下愈順而愈速耶由是博士弟子奮起而登仕
版者蔚為名卿可槩見矣然廟學歷歲滋久隳圯
日甚良有司敦治宗教者雖間有補葺亦以費繁
務劇為懼率皆苟簡可歎哉嘉靖辛酉夏平谷縣

知縣任子彬卜日舍奠于廟覩其庳陋毀隊惕然
改容曰縣之廟屋壞神不能受其誰責乃與學官
張汝言諸生方文光數曹謀咸曰茲誠有司首務
也如財不贏何又轉而謀諸鄉士大夫鄉士大夫
其謀同又轉而謀諸耆庶耆庶之謀亦同于是舉
邑向風慕義視茲役若不可已者官之吏于斯者
捐其祿大夫士之產于斯者捐其貲耆庶之供億
于上者捐其力凡材木陶甃黝堊丹漆之需畢具
工師圻者擾人顧儻之屬咸集訊日舉事或新或

作余適奉有代巡之命以察吏安民為務遂攬
蒞平谷詣學謁廟不俟關白而知任子之所尚矣
乃移文所治出其帑所贏以助傭費不期月而告
成任子舉其緒而請曰爰即舊址建先師廟兩廡
崇廣皆倍昔外有戟門有櫺星門有啓聖祠有敬
一亭有文昌祠有鄉賢名宦祠有校官舍三區殿
後建明倫堂堂左右翼以神厨庫有崇德廣業二
齋戟門前鑿泮池甃三石梁其外橫衢豎二坊東
曰興賢西曰育才又于學宮旁地闢為會講堂左

右設宰牲齋宿二所計凡若干楹所需之費凡若干緡所役之工凡若干人經始于壬戌冬十月落成于癸亥六月敢乞先生大人一言以為記余欲以不能鑄辭為解非任子重學校意亦非余廉察有司職也嗚呼

孔子之功德被千萬世與天地日月等聖自堯舜而下俱莫能望豈區區崇廟宇修俎豆所能報哉顧業儒者不敢忘其本耳余為諸生時嘗見為長吏者一意于錢穀獄訟典幹審畫希聲采譽以求

調補視學校之事為非簿書期會之所急而抹撒漫漶者比比每深陋之今任子為平谷而以不任學校事為懼首興是役完舊益新立有成績鬱然畿甸之偉觀俾平谷之子弟益興于學化鄒魯于幽薊更弦誦于悲歌其功豈不偉哉任子業儒而知本者矣余亦業儒者遂因其請而為記凡與是役者皆得書名于石

平谷縣修城記

蒲坂張四維

翰林院編修

平谷古漁陽地接連關口凡城郭溝池所以為防

禦計者自昔視內地為急然今圻邑也又介在四
山中烽警視諸邊差少是以守土者易焉而備禦
益踈縣舊有城池歲久夷阬攀堞往來不異周道
今尹任君彬既視事思以興葺之顧歲侵財詘未
足役也癸亥冬流寇奄至城下任君部率市民分
地設方畧以守之晝夜巡警無所不至陴內始免
于危事平之後任君乃禮延邑之名德巨室閭長
黨正諭將有事城池為扞 永策衆驩然稱便遂
上其事監司監司咸是之撫臺雲中溫公令守軍

採薪燒灰以濟其役按院洛陽董公檄贖鍰百金
以佐其費其諸當道若總督軍門劉公屯院秦公
關院陳公密雲兵備道張公悉有金穀助焉任君
迺自理百餘金為士民倡邑衆開磚窑百二十所
以陶于是諏日戒工富効財貧出力吏彈勤工獻
巧城以丈計凡周六百五十撤而修之者過半城
舊高二丈二尺增築五尺俾益崇又于城四門各
以樓扁其東曰挹盤西曰拱辰南曰迎沟北曰
威遠城隅增舖舍四又濬其隍丈餘沿塹悉植以

柳當四門之衝置便橋焉經始于甲子閏二月廿日竣于是歲六月之望凡五閱月而工成城峻而堅池深而闊屹然改觀民有固志矣任君廼述事本末問記于史維維惟備禦不虞政之善經故城郭溝池之固雖襲承平之時然猶不可一日無戒心焉而矧多事耶顧列城十百傾夷者半寇至常苦無備何哉則用民之難耳盖患貴于防微而民難于慮始未覩其害而先勤之則勞且怨雖告之以必然不信也平谷城池之建在先無所考而唯

見于成化丁亥巡撫閩公之疏請其所述規摹建置在當時稱雄厚矣後五十餘年當嘉靖壬午而始重修之以礦徒之變城已不能支矣迨今又四十餘年因寇警乃復修而加壯焉盖民有所創則其趨事也易興大役動大衆不得不因乎民耳任君蒞平谷幾六年扶敝拯羸煦煦然如慈母之于子而且為之防患深遠其所以舉羸于力詘獲遂有成事者唯民之因加以賢監司提持而佑濟之者弘也昔成化丁亥城之始建也寔惟巡撫閩公

嘉靖壬午則巡撫孟公重修之今茲之舉又唯溫公是賴此三公者域民翰國先事謹備其雄畧著在疆圉者前後較若畫一也而茲其一節云

題名記序

關中劉愛

平谷縣尹

國家海宇清熙文武昭宣凡登仕籍者罔不以靖共勉厥位而所寓咸題名以識歲庚午不穀以三河倅叨長是邑視篆之日登城埤覽山川眺閔塞見山巒萃嶺環然四塞地狹而平一望徹畢方不百里口僅千餘視諸隣封才一里之氓耳余獨怪

昔稱富庶而今若此不知昔人何以施為將欲自考即詢其故於紳士僉曰昔也地一千二百頃撥給軍屯者五百頃矣昔也戶九千五百五十口歷經凶荒饑饉死亡過半矣里甲照地而應差錢糧照地而增派浮費冗役與諸郡同加而莫之恤額設議處與諸郡同視而莫之減矧自總督開府于密雲易偏僻為衝要變里甲為驛遞三孱之民蕭條之邑有加而無已如之何而不窮且困也哉不穀履任且年餘矣固不敢以窮且困自諉而景仰

五其為倉也對穀平估以時出內以備水旱不時之灾使邑無滯積亦無困人而其為學也群邑之子弟童而誨之使之習于揖遜進止預以膈其疆氣而折其邪萌行之數十年民庶禬無衣食饒寒之剥而禮義是常即有暴子弟勁勇囂杰之氣可勉而為縣官用也又况乎忠義之性植乎其天者哉吳君之政務在為民識時務茲其概也夫使吏于今者而皆有意乎民何憂天下哉百姓匆匆誰父母之一旦有急未可恃也已余為書吳君治行

并職時事君名之美常之武進人

編脩宣城湯賔尹撰

錄

元

玄寶觀活死栢之記

玉溪老人趙鑄

榮祿大夫

竊以理之在天下未有不以耳目所接為有而所不接為無此事之必然勢之必至也昔東漢任處士叱未朽黃水邊已枯之楊而李唐呂仙人藥僅落萌城南久斃之樹雖聞其語未見其人而信之心未篤歲次丁亥 長春真人上遣使勅駐馭於長春宮燕京東諸帥北面執弟子札請醮于田盤

平谷縣志

下卷

三十三

山之樓雲觀雖旦夕稽首竟不賜諾託余以詩起之隊仗過平谷飯於城東獨樂村玄寶觀中有一栢枯瘁歲久了無生態 師起而摩之輒嘆可惜者自明年春其柯葉復生鬱茂如故見者竒之余方客東臯與是村相望一舍耳熟其事以傳文曰久一日以事去京假道于路託宿于州之通玄觀解衣盤礴日云暮矣方欲就枕有道人李志平者執松明携短幅啓户而入以幅授余發而讀之迺南塘老人譽長春子活死栢之詩疇昔所疑如見

曉霜釋然消去真所謂非異人不能成異事非異士不能表異跡李從容謂余曰欲碑其事以永其傳渠為我文之余于二老俱有半面雅其義有不可辭者索筆以書其事

增修府君廟記

邑人李梅

庠生

府君廟在平谷縣東北七里許肇建於隋唐間歷千餘年靈異孔赫遠邇居民兵革疾疫水旱災祥禱無不應廟制舊有正殿三楹東西列二祠嘉靖二十六年住持毛太澤以規制淺狹殿宇卑陋未

足以稱府君功德之隆將廓而大之迺謀諸耆欲以正殿改為寢宮而寢宮前復立正殿衆是其議迺共竭誠募緣得錢若干緡米若干石僦匠傭工累石築土為高臺幾二丈遂建正殿三楹於上復立馬殿於廟門之側又見寢宮洎東西二祠頗有圯壞亦加修葺視其堅全者仍之朽缺者易之然其費甚廣為力甚艱也故經始於嘉靖二十六年之秋落成於嘉靖三十五年之春力以漸集工以次舉幾十稔始就由是廟之規制中崇外敞迴

複幽深金碧輝煌度越舊趾萬萬矣績既成鄉人
建碑乞余言以識其歲月余以鬼神在天地間茫
昧不可測識所謂天道遠人道邇而將興之國有
不專聽於神崇信而稱述之若惑矣然以理論之
則名山大川之靈與夫忠臣烈士死而不朽者其
精氣英爽陟降宇內常耿耿不磨皆足以羽翊元
化宣布天威徃徃蹟應顯著是又不可以左道淫
祠眩惑民俗者槩棄之也今府君之神其詳雖不
可考然據其封爵號稱卓然不朽皆錫于前朝歷

代則其勲庸之著於伊始者諒必有功於社稷有
德於生民而不可誣且其降祥於今日又能禦大
災捍大患福善禍淫報應無爽為一方所恃賴徵
諸祭法用崇祀典理固宜矣然非人心之誠敬不
足以感神之威靈非神蹟之赫奕不足以致人之
崇奉自太澤等聿新廟貌則其昭事之誠真足以
慰神心於罔恫而府君之威靈顯示一方者將有
致愛則益存致愨則益著矣由是以保定國祚福
佑生靈綏吾民於康壽之域以陰助乎國家四海

清寧之化端有望於府君焉而亦孰非修廟格神
之功也然則是舉也所謂明無人非幽無鬼責豈
徒曰役志於茫昧以幸福免禍者比哉是用備書
於石仍刻詩一章以傳示罔極

詩曰

大神有赫靈輝煌奉天威令奠厥疆神宮巍然逼
玄蒼彤楹文戶紫檀房府君之來天中央袞水龍
裘雲錦裳村翁歲時修典常享祀靡忒神洋洋鯨鯢
戮死魑魅藏保茲鄉井若雨暘天清地寧民樂康

平谷縣志

下卷

三十五

誰其尸之神降祥嗟爾黎庶德是強善使錫慶慝
被殃我作是詩非渺茫金石永刻繹莫忘

馬節母傳

顧氏家三韓文武世族簪纓累代不絕其後屢
罹兵難遂至中落止餘伯仲二人 國初隨

世祖章皇帝入闕居 京師長天祚舉孝廉判南

雄府次天寵嫻戎事多力善射英勇絕倫累功
為防禦寺 恩封武畧將軍生女幼失恃撫於繼

母王女性幽閒動遵古訓事王以孝聞其待僕婢
則一以仁厚溫良為本年十六歸平谷馬氏明丙子

孝廉化宇先生子文學馭雯雯母孀婦事之克孝

平谷縣志

下卷

一又三十五

居恒相夫子治家御下待親戚族屬曾未聞有愆
儀鄉黨族閭共稱賢越三載雯疾卒婦年十九生
子甫三歲即今邑庠廩學生一驥他無倚几雯衣
衾棺槨含殮皆婦自理累日不食哭而痛絕者數
次姑察其意知婦必以身殉也告姻婭輩曰吾一兒
一婦一孫他無倚吾兒死賴有婦婦孝不啻兒
婦存謂即吾兒存可也今兒死婦痛又將死婦死
吾孫其胡賴以生不如吾先旦暮死吾烏忍覩此
哉婦聞之愈慘痛不勝尋止痛不哭起視事強食

姑前且再拜於夫子柩曰姑孀而髦子孤復幼兩者皆未亡人分內事也倘妾盡一身之事其如孀姑幼子何遂立志誓守貞節治喪營葬窀穸如禮嗣是惟孝事孀姑脩承色笑姑竟不知有喪子苦教一驥讀書慈嚴並至雖艱難困頓不廢己未地大震平谷無完屋姑髦年當流離瑣尾間婦能令不失所且衣服飲食其所以溫飽乎姑者殆愈於平日又期年姑沒婦哀悼崩摧几衣衾棺槨含殮仍婦自辦治喪營葬窀穸又悉如禮鄉黨族間以爲難

先是馬氏代積有產至是婦姑沒子幼雖至戚者亦見侵謀初固未之覺也厥後侵謀盡露婦正色曰使孤寡可欺行且無天理矣且運數循環孰能長盛不衰耶侵謀者聞之皆感悔念不復萌爲子娶王氏甚賢且孝又克勤克儉敦厚寡言佐夫子奮志學業其姻黨之狡者咸目之爲愚婦曰此正見女子之德耳歲丙寅一驥入泮獲報且喜且哭及子公服拜堂前乃哭益甚一驥孝不自安長跪請命曰吾非爲汝夫婦不善事我也汝父沒吾以汝祖母與

汝故未即殉今汝祖母逝其往矣吾烏乎不哭汝
幸厠鬻宮汝祖母不獲見汝父不獲見獨吾見
吾烏乎不哭汝成立汝婦復能孝吾吾不及孝事
汝祖母吾烏乎不哭且吾向哭汝祖母恐吾痛且死
今汝祖母杳乎不知所往吾思之吾又何能已於哭
然後人知節婦於夫子既歿時遽止痛不哭者孝
之至也義之至也其後子能成立媳復孝事往歲
更常情當必欣慰顧追感而哭者益見孝之至
義之至也予既得其詳於紳衿父老復於課士之
暇知一驥宿學多才能詩能文試輒冠軍爲遠
近知名士下帷苦志足不窺園壬午闈幾售予
每愛其莊重篤實而不知其家學有自且更
有誓栢丸熊之賢母焉予不勝肅恭起敬故樂
取其事而為之傳

賈采公曰古稱嬰臼事天下羣羨死易生難一
語謂非心如金石精誠冠日月者不能余傳馬母
顧節婦而不能不欽其為人焉夫以馬生馭
雯早世孀母老髦遺孤幼稚外無期功強近

之親內無伯叔兄弟之藉以一閨中人歷諸艱
辛而送死養生無憾豈非烈丈夫所不及哉教
子讀書克自成立杜侵謀以保馬氏代積業
微特馬室貞媳直孝子矣而要其所以終始
不渝克底於全者則在止痛不哭之際卒能奉
孀姑而婦以代子撫遺孤而母以兼師也然
幸有孝子一驥厥後請命一事得盡發其母
觸感輒哭之義不然忍痛數十年將流俗人
幾無以盡白歲癸未

聖天子下昇平詔求天下忠孝節義之事因上節婦
事實於採風使得奉

俞允褒揚

勅建貞坊旌表天之報施節孝亦洵不爽與

蒲坂賈龍文撰

王札字又季賦質穎異胆畧過人為諸生
時喜談經濟尤愛習技勇由選拔歷任襄
陽令適值滇氛充斥羽檄交馳王師搶攘接
應裕如吏績既著詮陟隨頒刺秦省渭州

又值王輔臣之變慷慨激烈單騎往諭利害詳
明輔臣首肯而賊黨已露亦以加矣忠憤之
志見於吟咏其至秦詩曰滿懷忠憤到秦州緩
步無人境內遊未到中軍陳教化先觀兕穉列
戈矛辭嚴正諭君恩重色赧難禁反側羞寧
使一身甘鼎鑊不教鼠里繫宸憂其臨難詩曰
丈夫有淚不輕彈說到文山心亦酸慷慨一時忠
未易從容三載果猶難披肝瀝膽精呈碧引
頸戮身血示丹雖愧吾生今日晚同留正氣在

平谷縣志

下卷

五又三十五

南安事聞

上嗟悼遣官 諭祭贈按察司副使蔭一子洽璜入
監授廣東雷州府遂溪縣知縣

王節婦倪氏傳

宋文憲公曰婦以節著非常也變也變而不失其正
不亦善之善乎文曰婦以節著固變也非常也婦以
節著而上無依下無望矢志完貞至老不墮其
亦變之變而又善之善之尤者也平谷王節婦
姓倪氏世居平谷為名族業詩書科貢舉

進士不絕官自州縣以及通政尚書皆有父名爾訓
明經生氏年十五適明庚午孝廉王鼎鼐子王李三
年李病没子女未育矢志以死殉閉戶自經者三皆
救免不獲遂親戚姻婭交相勸諭以他適恐幼
弱無能以持中道改操不如無守也氏悉知親
戚姻婭意具以白曰靡不有初鮮克有終吾豈敢
謂勸者之無意哉於是泣血引刀自刺以明其志親
戚姻婭亦悉知堅不可奪亦不復勸越異時剪髮
垢面衣百結之衣食糲食餐不出壺足不窺戶唯

一意事繼姑恩勤無異所生有痛則哭哭無不痛今
行年六十矣苦節四十餘年之久盖怡然如一日焉
邑尹曰士君子讀書稽古尚考千百代莫不願
效聖賢領其緒論似人人孝子人人忠臣也者及一
旦利害卒陳而頓失其生平者比比節義盖若斯
之難也節婦倪氏何所圖利哉不過曰吾完吾節
而已矣真變之變而善之善之尤者也移風俗美
教化有司之職故於倪氏貞節之概樂取而為之
傳云

哭從妹詩

王 綸

從妹字葵真秉性幽閒負質聰慧解詩書妙裁剪
善言詞嫻禮讓誠閨閣中英賢也其處室不惟族
黨罕窺其面即婦女之輩非端正人亦不輕接先
慈每語人曰此女志不小靜淑穎悟又其末也每
相見輒歡甚刺繡之餘徃徃扣古之節烈名媛先
慈喜為之道以是先從祖母及從叔從叔母咸珍
異之而慎於擇偶遲之久歸薊門關子關子少孤
從妹事孀姑最謹伴夫子誦讀午夜不輟急望

平谷縣志

下卷

七又三十五

其成名也先是關子愛其所生女未週歲而殤關
子傷之由是感疾日甚從妹禱神求救願以身代
嗣是疾益甚衣不解帶奉侍百五六十日竭簪鉞
以佐參苓繼乃知其不起密語吾從叔母曰婿疾
漸矣幸父母勿以不孝女孤苦為念所不忍甘心
者身為女子未能報劬勞耳從叔母未之解也及
四月中忽駕車至平從叔方憂懼見從妹至驚愕
失常責以擅離關子之疾對曰吾思家切一看
父母伯叔諸母曰婿疾何似曰疾漸矣自即刻

馳歸耳吾從叔未之解也越數日關子歿從叔往
臨其喪哭畢入慰妹多端始猶哀繼則拭淚為
笑曰父忘女遶膝時教以讀書耶三才者天地
人女雖不孝身為人婦然人也幸勿重繫念從
叔方私慰無他計終未解也趨出與關子胞兄
語茶未畢忽報從妹死矣舉家內外小大悉入
從叔亦以入視之壁立於衣厨前綢帕兜頂雙足
離地竟溘以逝矣嗚呼何志之堅而行之密也既
不留遺憾於夫家復不設疑意於父母從容就義

視死如歸借歸寧以終孺慕祈神求代侍疾佐
殮終之以身殉且不肯令一人知真閨閣中英賢不
愧吾叔祖之忠有合吾祖母之節者哉既傷且敬
無以為懷謹隨從叔及族間設奠序次其始末並
作篇什以哭之曰嗟薄命兮遭憂患閉閨房兮
影形單一十九歲兮舞雙鸞別父母兮路漫漫事
孀姑兮婦道完望關子兮大鵬搏勉志業兮多
端午夜篝燈兮氣體寒雞鳴復櫛沐而晨炊兮
敢逸安皇天不吊兮降難俾夫子兮病殘痛將

危兮肺肝祝神明兮夜闌願身代兮求寬常流涕
兮皆不乾終不起兮病攢魂飄飄兮不可干仰天一
慟兮行路心酸指日長號兮生命已拚含殮兮親
看夫子兮蓋棺顛望兮峰巒阿爺至今兮接勸恐
傷心兮強顏述三才兮咏關關見此志之不移兮
不知其死事之心堅嗚呼志節為重兮名義可全
彼苟活兮生枉然正氣兮塞地天姓名兮凌雲煙垂
懿範兮永傳列青史兮萬年

滑子莊三皇藥祖廟記邑人王澄

庠生

平邑震區有盤谷一山峰巒聳翠巍然畿左
之大觀也盤迤北距一舍地林木幽藏丘阿路
轉為滑子村也村之外有桃源問津之勝有環
水紋波之致有曲折蜿蜒孤峯突峙之竒望則
峭壁子出氣勢凌霄若無竚足地陟則巔
平坦易曠達磅礴實有可立之基一日者村有
善士庠生倪子秀起輩登步其上盤桓久之相
顧而言曰吾儕居此勝地曷不有建於斯以崇
一祀乎衆曰唯唯起漫議曰使吾儕功成不可為

幻相淫祠者祀必正其祀於有功濟衆澤民利物之
先聖也而後可衆曰唯唯既而思澤民如三皇也
濟衆如藥祖也利物如苗神諸聖也自不同於
幻相淫祠比比之不足祀也明矣於是再稽祀典曰
功施於民則祀之救災恤患則祀之勲勞社稷
則祀之愈知三皇藥祖苗神諸聖之宜祀也
倪子遂奮臂一倡應如桐魚之擊石鼓衆
善協從遐邇翕助庀工敦匠扛材運石雖
家人婦子各殫其誠建中之殿為三以三皇

藥祖苗神諸聖祀左為僧舍二間右為倉儲
二間繚以垣牆蔽以山門草創落成礮石問記
予也期期媿無以辭謹以此為樂善誌

詩類

夫文以載道而詩則言之成文發于咏歌者也達
人君子至止斯地者恒有著作或因事示戒存之
足以彰微或懷古屬律考之足以資博亦志之所
必載者故志詩

復生栢

張天度

號南塘老人

山村老宿鬚眉白根撥和雲移小栢慙慙擁護數
十年直幹亭亭高百尺歲寒曾不變真心庭雪到

腰纒自適明堂大廈構良材正恐工師來選擇柰
何亂世生不辰翻有饑民斧斤厄半身寂寞被戕
殘顏色枝條頓狼籍竭來枯槁逮三年不忍風摧
并日炙鬼薪蚊炷世所珍憂見斬伐無旦夕長春
仙子偶經過兩手摩挲言可惜明年太歲在玄枵
秀葉參差如舊碧異事未免衆人疑不信道人能
起甃君不見田家荆樹中道枯孝友一感復還甦
又不見萊公折竹表忠義插地乃活元非誣况乎
得道不可測招乎元氣薰朽株坐令此栢成鬱茂

遭遇還勝愚夫愚，長春今已歸蓬壺。
栢爾善保千金軀。

平谷道中

山陰蕭鳴鳳

巡閱御史

百折崇崗轉未休，征駟終日遶溪流。
黃梨紅棗垂垂熟，別是山城一段秋。

詠八景

關中劉愛

平谷縣尹

盤陰積雪

半山殘雪永難消，三月桃花尚未嬌。
每到清宵閑眺望，月明玉壘倚雲霄。

平谷縣志

下卷

三十七

洵水晚渡

洵水清漣魚泳時，牛羊向夕更歸遲。
溪頭爭渡誰家子，深淺從來要自知。

峨嵋聳翠

巉巖秀麗翠如流，高入雲間碧玉浮。
遊客騷人時賞玩，只疑瑟瑟在山頭。

石室清風

鑿開混沌紫雲瑛，兩腋涼生爽氣清。
流火不煩紈扇動，瑤臺月殿敢相拜。

獨樂晴波

獨樂嘉名自古傳
况逢紅日正中天
澄波渺渺清還靜
網罟不驚鷗鷺眠

鼓頂朝雲

石竇誰知有蟄龍
朝來噓氣映山容
遐陬每有雲霓望
不比巫山十二峯

靈泉漱玉

野寺雲根驟起瀾
龍宮噴出碧琅玕
清涼遠得天潢派
唇齒忽生六月寒

平谷縣志

下卷

三十八

峯臺夕照

高臺突兀倚晴空
遠近霞連草舍紅
返照平林鋪錦繡
行人常在畫圖中

題八景一律

曲陽李柱明
平谷司訓

盤陰冰雪四時堅
洵水迴舟擁暮煙
石室風清分皓月
峩峩山翠插青天
晴波獨樂金銀眩
鼓嶺同雲雨如鮮
更羨峯臺宜返照
靈泉漱玉滿前川

楸巷記

邑人馬維騏

平川先生
弘治貢元

平川書院樓門之北禮門之南列種十有四株其二株不茂旋移恭敬門內不成行者更之各長丈餘圍三寸許楸梓屬也梓有實可種其成也易楸無實取之穴其根旁引以糴生其成也難是木也才高而理直質堅而韻清亦可謂羨材矣當盛夏之際踈柯密葉如幢如盖烈日不入炎蒸不作宛然一清境也書院主人時時衣冠坐其中橫琴而鼓焉弟子之解音律者亦屬而和之七弦之音洋洋乎盈耳哉血脉鼓

盪神氣清和恍然虞舜之在帝位也一日鼓琴希主人顧謂弟子曰琴之音抑有所助乎弟子曰不知也主人曰楸巷助之也人徒知巷之清而不知巷之有助乎琴音斯巷也上密下實而中空焉故琴之音洶洶焉颯颯焉清濁高下而各中其節不啻在重樓虛室之中茲非其所助矣乎弟子曰小子何足以知之言畢主人充然有得仰天而歌曰風飄飄兮雲悠悠我心樂兮造物同遊幸 皇王御世兮復何求

自平谷移署青篆

李傑選

御遊試用

自慚糜祿令畿東夕惕朝乾凜至公

聖澤如天淪骨髓臣心無地報帡幪一官已見髭鬚

白雙印還驚汗頰紅馬上幾番回首處依依皓

叟與黃童

盤陰積雪

長白樂克山 靜巖

皎潔盤陰雪春深尚未消
三冬積曙久六出結花牢
白日光難到紅塵勢已遙
窮年茅宇下相對步清霄

洵水晚渡

洵水傍京國頻經晚渡來
日旣崩岸迴沙動片帆
開歸鳥飛還止征人往復迴
况當村落近我馬未虺隤

峨嵋聳翠

是山多翠色此嶺獨超羣
碧草留春雨青松冠夏雲
難容張敞畫應許漢宮聞
傳道峨嵋月清光早共分

平谷縣志

下卷

四十

石室清風

一龕鑿太古日挹萬山風
獨立巖塵外誰留秘宇中
樵音來杳靄天籟動
高空羨殺歸栖鳥冷然御不窮

獨樂晴波

山城傳獨樂晴絕野航稀
一水陶然瀉群鷗知所歸
高涵雲影淨遠映曙烟微
共泛晴波上長吟送落暉

鼓頂朝雲

翠嶺形如鼓朝雲頂上封
光生旭日影勢變寒山
容高隱冲霄鶴低依偃
盖松不勞楚子夢久矣薄巫峰

靈泉漱玉

靈泉噴碎玉一曲傍山家處處供遊客年年送
落花清音雲外和哀響澗中譁到海濱時日安流且莫誇

峯臺夕照

落日峯臺上登臨暮景收牛羊歸遠陌烟靄滿空洲
岫隱餘光在林深亂彩留驀瞻東嶺月一嘯萬山秋

盤陰積雪

邑人馬一驥

東邨

誰卸玉龍甲盤陰凝結牢光生八石暎色照五峰高
積冷林猿避深寒穴虎逃會當舒望眼皆嶺絕塵囂

洵水晚渡

洵水流今古扁舟晚渡開鳥冲烟靄滅人帶夕陽來
車馬通幽薊樵耕跨草萊片帆新月上森森隔征埃

峨嵋聳翠

共道三峨峻此峰直與群勢懸千里月高人九霄雲雨
洗嵐光潔霞明黛色分蠶叢標勝迹垂老恨空聞

石室清風

清風生石室天籟响鴻濛草嫩搖新綠桃飛掃落紅
眠雲穿窈窕延月入虛空我欲盈襟袖陶然憇此中

獨樂晴波

天光水色合風動練花飛窟靜蛟龍睡機忘鷗鷺肥
翠灣浮荇葉香渚卸蓮衣獨樂晴波晚漁舟載月歸

鼓頂朝雲

鼓頂憑誰闢朝雲幾段濃雷門空作想巫女若為容
有色迷殘夢無聲伴早鐘欲將桐木擊催去直從龍

靈泉漱玉

泉靈通萬派玉漱潤千家勢亞瞿塘瀉高翻雪浪花
灌卣遺厚利浸草注深窪終作朝宗想蓬瀛路未賒

平谷縣志

下卷

四十二

峯臺夕照

峯臺凝暮靄烟鳥向林投夕照留荒野歸雲帶戍樓
蟾孤燕塞遠霞散太空收古寺鐘聲急乘風度隴頭

盤谷寺

即青溝

仁皇雕輦駐青溝老衲袈裟叩冕旒澗艸生
歡迎豹尾巖花含笑簇龍旂只今木石猶
矜寵在昔松雲更邁儔歲月無多成往
事一聲清磬出山樓

蕭院懷古

幽燕靈氣鍾嬌嬈女后稱尊紀大遼虎據山
河極北塞鯨吞版宇逼南朝粧樓銷滅餘鐘磬伯
業無存有牧樵十載春風重弔古英魂漠漠杳
難招

長城

祖龍防患展邊籌雉尾連山起戍樓萬里烽烟
猶未舉千堆枯骨已成丘蒼黔高築獨夫怨社
稷深遺二世愁早識

皇圖歸有德長城雖險笑無謀

平谷縣志

下卷

四十三

春日馬家莊見始祖漢大將軍墓有感

水遶山圍列古墳秦時名郡漢時村難同絳帳聯
宗譜敢向雲臺系遠孫學士笙歌標汗簡故侯

弓劍沒荒原

先始祖成漢封全椒侯

烟花過眼催頭白

懶對青青墓艸痕

盤山吟

梁永建德傳

畿東屏蔽天下奇群龍磅礴紛逶迤太行碣
石相繆縟幽并連跨雄邊夷五丁開鑿何年斧神
鏤鬼輸驚剗廟中膚外骨萬蓮鏢逢蝨攢瓣

襲青纍纍葳蕤歷盡飛花片蠹秀苞靈千
百變祥烟兔彩曜陽暉俯瞰滄溟纔一線鷓鴣
投翅雲飄揚陣馬騰驤峰隱現盤旋磽确
欹徑行躋身層疊開生面七十名庵半劫灰
我來躡屨蒙蒿萊松杉翳鬱譚禪石
枳棘荒京舞劍臺銀河瀉頂觸星斗靈湫
駭魄驅風雷蟾蜍夜半入丹井琳宮深鎖封
莓苔珠林瑶草蟠清閼巖罅金鐘流梵唄
方廣精藍說洞天煉真學道多茫昧神仙

平谷縣志

下卷

四十四

窅冥難詰窮大抵達人具 戲苟能羽化
得神通誰不黃金輕脫屣

哭薊門亾女

邑人王漁璜

尺玉

女死人倫曰不慙肝心裂碎我何堪肯將節
義還天地願女來生化作男

輓耿烈女

邑人王憑

學生

弱女盈盈甫十三捐生慷慨勝奇男古今苟活
知多少對此難消五內慙

鄉長

國家八旗星列畿輔戶口日繁歲辛亥
恭值今

皇上龍飛九五宵旰勵精勤勞 鴻業念滿
漢雖屬一體而整飭實有分途

特允廷臣之議專差

大部之員按旗分理庶務或
陬僻壤鞭長不及之域就三
子弟中選其醇謹諳達者

平谷縣志

下卷

四十七

長屯田本官躬請

俞允給以扁額匪惟示寵異亦以勵
且俾其顧名思義型範一方
行之 協和時雍之盛

不求 而自至矣其資益於州縣也
豈淺鮮哉志鄉長

屯目附

在城鄉長

李懷璧

扁曰敬慎其事

東路鄉長

皇莊

皇莊之設自明至清由來舊矣

本朝定鼎從龍之衆率多閩左世族其
間隨京師應運生者不乏能竒才異
可以遴用王庭迨我

聖祖仁皇帝雅化作人除格例故親王以下
屯長九隸籍天家者子弟俱准考試
而一時遞進之彥功
之養育者深矣

平谷縣志

下卷

之士不惜名器

世之隆遇哉志皇莊

徐長保 馬家莊

陳昱 張家庄

陳錫爵

即奉旨旌表節婦羅氏之孫扁曰品堪型世

西路鄉長

史大正

扁曰厚德可風

南路鄉長

扁曰鄉國儀型

北路鄉長

周伯醇

扁曰劬勩倚賴

屯目

徐選

平谷縣志

下卷

鄉耆

康順

日勤 □ □

楊文舉

崔逢

魁

太務屯

明輔

坊廓社六甲民

祥

坊廓社

郭

隆

坊廓社七甲人

